

臨武縣志卷之十八

風俗志

記曰廣谷大川異制民生其間者異俗故五味異和
器械異制衣服異宜此天地自然之數修其教者不
必易其俗也至於利害逆順正變貞淫則或以相習
而成故行人適四方采其札喪凶荒為一書康樂和
親為一書用以廣天子之視聽而慶讓之嘗觀十五
國之風山樞蟋蟀其俗憂勤駟鐵重環其俗武勇桑
間濮上其俗淫靡奢儉淳漓判若畛域則所習異耳

臨武縣志

卷之十八

風俗志一

臨居三楚遐陬城不滿百雉地不過三舍直可等之
自檜無譏然地瘠民勞有葛屨縫裳之樸陋無載儉
從狼采蘭贈芍之驕淫誠能祛其褊急歸於和平方行
將與江漢汝墳輝映南國觀風者可以登諸康樂和

親之書矣志風俗

曹家士識

火耕水耨

漢書火耕水耨民食魚稻以漁獵為業果蓏

還給亦亡千金之家信巫鬼重淫祠

深耕溉種

宋史荆湘南北路北路農作稍惰南路與袁

致富饒然好訟者亦頗多

率多勁悍晉杜預通典曰荆楚風俗畧同揚州雜以夷率多勁悍唐書地理志云荆南風俗物產

頗同揚州其人率多勁悍决裂蓋亦天性然也

清慧而文唐劉禹錫文瀟湘之間無土山無有濁水民乘是氣者往往清慧而文也

民豐土閑齊志湘川之民豐土閑惟陽郡志淳樸近古畏法俗重喪祭民少官情少訟俗重喪祭土火官情

俗尚農桑民知教化見方輿覽勝

嵒岷難治明桂見山輿地圖叙楚俗漂輕鮮思積聚於是四方流民失業者多赴焉故其民率嵒岷

而難治云

人物首稱宋羅棟進士田記自周廣順元年迄我朝嘉治有以父子世科者有以白屋奮身者嗣響

不絕桂陽志載人物獨以是邑為首稱則亦鍾奇孕秀風氣使之然耳

臨武縣志 卷之十八 風俗志二

好文尚義元方大任學田記民生其間質而好文直而尚義

質朴近野邑舊志云多務耕讀少事工商朋友以義氣為重親戚以餽送相先質朴近野自昔皆然

急公奉上臨俗地丁錢糧素稱樂輸然亦間有逋欠近則各村庄紳耆一遵功令定以五月完半

十月全完踰期則議以罰數且各鄉隅釀貲存公有窘迫無措者挪移充納故臨武賦課為楚南最邑孝

廉黃君道苑有急公會叙見藝文志

論曰嘗讀七月八章而嘆幽俗之淳也剝棗穫稻之

餘春酒介壽築塲納稼之後上役執功而維正之供

無論已何敬公奉上之孔亟歟蓋當時上以恩逮下

下以忠利上朝野一體風之所由隆也臨處萬山中

地磽土瘠厥田下厥賦貞而厥輸惟恐其或後至戶課家程交相勸勉如子弟之奉父兄追呼不事而逋負無聞依然古道之照人也抑我

國

家蠲租賜復厚澤深仁淪浹山谷而民固有不知其然

而然者擬之我朱爲裳羔羊稱祝寬大和平之象何多讓焉斯見風行草偃移易之術神矣曹家玉識

冠禮爲嘉禮至重者往時臨俗年踰總角者擇吉日命冠如冠儀頗以爲隆至

國

朝則恪遵時制矣

臨武縣志

卷之八

風俗志三

婚禮臨俗必先甄別門祖有結縭非偶者輒恥焉重媒妁以親戚有力者爲之先卜吉獻贄再卜吉設筵飲畢以輿騎送至女家凡納采納幣隨高下爲等級娶不親迎惟兄弟送之大都禮數尙繁故育女無過於三舉

喪禮喪具稱家之有無禮也臨俗富室亦有大小殮者餘用時服而已喪停中堂務卜地擇吉臨葬先二三日懸素幡於門受親朋弔兒女親暨內親則備物奠焉喪主以下皆不御羞饌朝夕哭奠凡儀制一遵文

公家禮但舊俗相傳自喪主以暨所親皆以黃絲代麻爲纏頭越三月始仍易麻匪是則反爲不敬然士族中知爲非禮漸次汰革矣至題主一節倍加隆重必以鄉先達有聲望者主其事喪主刺指血加點於王字上以成主附近諸屬並不習聞此禮惟臨有焉其先賢之遺風猶未泯歟

祭禮春秋合祭春用二月秋用八月新穀時物必薦而後食吉禮嫁娶必告而後行祖宗其壽則懸象設筵宗黨咸盛服助祭儼如生之日至忌辰雖久子孫於

臨武縣志

卷之十八

風俗志四

是日不茹葷但建祠堂者不過數家餘惟就祭中堂而已

元旦臨俗旦日預置香案設花燭茶果等物舉家長幼男女皆夙興盛服擇吉時開門燒紙錢叩拜天地以祈一歲之祥次謁祠堂無祠堂者卽於祖先堂具香燭茶果酒饌列拜焉然後拜於尊長其下各以長幼爲序而拜次日拜母黨又次日拜妻黨已乃會見諸親鄰往來者肩相摩於道謂之賀歲嗣是親友始以春酒互相邀叙

立春前期一日邑主率僚屬迎春於東郊成仙觀凡在官人役皆插花列隊於前廛市諸行各以類集裝飾故事極其巧麗傾邑士女皆縱觀是日侵晨邑宰祀太歲畢行鞭春禮碎土牛牛之首尾身足則隨是日之納音五行而定色焉

元宵自十一日爲始至十五日止街市鄉村或作龍燈數十丈或裝散燈每家一二樹各自出心裁競奇鬪麗晝則裝演故事夜則彼此迎燈互相往來鼓吹喧鬧不絕惟元宵之夕燈火倍繁歌聲達旦間有製造

臨武縣志

卷之十八

風俗志五

烟燈以慶良宵者遠近咸往觀焉

上巳俗不修禊祓但各鄉村舍有雕飾大燭重數十斤者有製造紙爆如斗大者加以綵樓籠罩綠村遊樂畢而還士女擁集候觀響如雷轟響後有競拾爆頭以下一年之兆明年是日則拾爆頭者依樣酬之清明是日人皆折柳插簷各具時食飲殺以祭先墓拜掃則無分於壠之火遠無間於家之貧富無拘於期之先後必盡祭而後已

四月八日爲浴佛之辰各家采楊桐楓木諸葉造青飯

以餽遺親戚殆古所謂青精飯也杜詩豈無青精飯使我顏色好即此

五月五日 是日皆飲菖蒲雄黃酒插艾葉爲角黍以相餽遺鄉塾之童蒙稍具禮於師長謂之敬節醫家咸於午時采藥相傳此日天醫星臨門若龍舟競渡之風則絕無焉

七月十五日 先一二日各家宰牲具酒饌焚其錢以候祖先於是日則具素羹以享男女虔拜亦不茹葷其夜有召浮屠誦經咒度者或鳴鑼洒飯施食於野無

臨武縣志

卷之十八

風俗志六

非效釋氏之盂蘭盆供也

八月十五日 是夜街巷聚侶備酒殺賞中秋或候月華而竟夕不寢者每家辦月餅涼瓜計大小均授蓋慶皎月取團圓之象也

九月九日 是日各偕侶攜壺挈榼陟山顛暢飲文人則賦詩相和而佩萸之事無復行矣

冬至是日 朝賀之禮惟官府有之民間不行

除夕先於小除夜各家掃塵潔其棟宇以候新年其夜祭竈名曰送竈至是夕則辦果殺響爆竹換桃符寫

春帖骨肉團團坐飲每房及間屋空舍皆具燈此一歲之風俗也

村市墟期附

水東市 在縣東四十里會武水赤土水泉流溪漸深廣可行舟故明時粵鹽運至本市暨牛頭漢市銷

售民寔便之兩市多豫章客民皆舊商後也嗣奉例分引分河而粵鹽祇從連州運至星子埠肩負至臨康熙四十六年奉部議仍由韶州河路經成口西河二埠直抵牛頭漢水東發行歷來子店無定額開至九十一間牛頭漢九十九間繼以店多毫無紀律奉廣東制軍鄂題准在案水東四十五間半牛頭漢

四十九間半至今一遵成例

牛頭漢市 在縣東三十里會武水高安水衆流臨武水路入廣韶如此

臨武縣志

卷之十八

風俗七

通濟橋墟

墟在南門外墟者擇平曠之墟而為市也倣太古日中為市朝集夕退之舊南中近粵諸州邑多有之每月各有定期風雪無爽是墟逢四九日則商民畢至踵接肩摩

潭下墟

在縣南文化鄉二十里二八日集

深圳墟

在縣北三十里三八日集

塘村墟

在縣北鑾一鄉六十里臨藍嘉交界二七日集墟側街兩道涼亭一座係臨邑周姓東西溪分

建

土地墟

在城東北二十五里三八日集

祖教寺墟

在城南二十里三八日集

士江墟

在縣北二十五里五日集

水頭墟 在縣西平田鄉三十里二七日集

馬渡墟 在縣北盤一鄉

正南舖墟 在縣北五十里二七日集

茅栗墟 在縣北七十里一四七日集

廣平墟 在縣北八十里一四七日集

沙田墟 在縣東六十里二七日集

麥下墟 在縣西北六十里三八日集

香山墟 在縣西二十五里今廢

臨武縣志

卷之十八

風俗八

鄉飲賓 附

明

王上許 東隅人與鄉飲者十二次

羅廷輔 與鄉飲者三次東隅人

國朝

劉時琦 康熙四十六年正賓金二里人

盧堯典 文七都人康熙五十六年正賓

唐榮祖 康熙壬寅年正賓金二里附監居鄉厚德生六子俱遊庠序孫曾杰出邑侯卜詩以美之

曾美 康熙間介賓

盧堯芷

胡廷選 康熙間介賓

胡堯紀 耆賓

文應透 康熙六十年

曾光韶 南隅人雍正三年正賓

龍貞圖 雍正三年耆賓

王丹書 雍正六年介賓邑侯趙
額以文優品粹

雷應時 雍正六年耆賓

陳才俊 乾隆四十年正賓

臨武縣志

卷之十八 風俗九

羅大頴 東隅人乾隆四十年介賓

傅良機 乾隆四十年耆賓

駱鵬程 乾隆癸卯年介賓

曾興大 乾隆癸卯年耆賓

鄧時華 乾隆癸卯年耆賓

李顯寶 平田人乾隆甲
戌年介賓